

UGOVOR O POSLOVNOJ SARADNJI

JAVNA USTANOVA PRVA GIMNAZIJA SARAJEVO, ulica Gimnazijska 3, koju zastupa direktorica Lejla Tuzlak u daljem tekstu (Prva Gimnazija). Identifikacioni broj: 42000288310002

i

NARODNO POZORIŠTE SARAJEVO, ulica Obala Kulina Bana broj 9, koju zastupa direktorica Marijela Hašimbegović u daljem tekstu (Pozorište) Identifikacioni broj: 4200566570002

Član 1.

Predmet ovog ugovora je regulisanje međusobnih prava i obaveza između Prve Gimnazije i Pozorišta, a u vezi realizacije projekta organizovanih posjeta pozorišnim predstavama učenika srednjih škola.

Član 2.

Ugovorne strane su saglasne da Pozorište obezbjeđuje 1074 ulaznice (slovima: hiljadusedamdesetčetiri) za reprizne predstave sa repertoara Narodnog pozorišta Sarajevo za sezonu 2017/2018, a najkasnije do 30.10.2018. godine po cijeni od 5,00 KM (slovima: pet KM) za učenike Prve gimnazije u ukupnom iznosu od 5.370,00 KM (slovima: pet hiljadatristotinesedamdeset KM)

Član 3.

Za izvršenje predmeta iz ovog ugovora Pozorište se obavezuje sljedeće:

1. da će za potrebe učenika Prve Gimnazije obezbjediti potrebne ulaznice i osigurati mjesta u sali u sezoni 2017/2018
2. ukoliko se predstava otkáže , obezbjediti mjesta na sljedećoj izvedbi
3. organizirati osoblje za doček i smještaj učenika
4. obezbjediti 100 gratis ulaznica (koje će biti raspoređene po predstavama) za profesore i djecu čije su obitelji u teškoj materijalnoj situaciji , te za ostale nakane po želji kupca
5. redovito i unaprijed slati mjesečni repertoar, kako bi profesori mogli na vrijeme (najmanje 15 dana pred predstavu) rezervirati mjesta
6. u ponudu ne ulaze premijerna izvođenja , prve reprize po dogovoru (u skladu sa mogućnostima Pozorišta)

Član 4.

Prva gimnazija se obavezuje organizirati dolazak učenika u saradnji sa OJ Marketing i propaganda Narodnog pozorišta.

Član 5.

Ugovorne strane su saglasne da će Prva Gimnazija za realizaciju Projekta iz člana 1. ovog ugovora finansijska sredstva u iznosu od 5.370.00 KM (slovima : pethiljadatristotinesedamdeset KM) doznačiti Pozorištu na račun broj : 3380002210019263 - depozitni račun Kantona Sarajevo (vrsta prihoda : 722429 ,šifra Općine : 077, budžetska organizacija : 2202001)

Član 6.

Sve izmjene ovog ugovora mogu se vršiti isključivo i samo uz pismenu saglasnost ugovornih strana, nakon čega će se pristupiti potpisivanju anexa na ovaj ugovor.

Na odnose između ugovornih strana koji nisu regulisani ovim ugovorom primjenjuju se odgovarajuće odredbe Zakona o Obligacionim odnosima F BiH i zakona o autorskim i srodnim pravima.

Član 7.

Ako slučaj više sile ,potpuno ili djelimično spriječi izvršenje obaveze po ovom ugovoru , ugovorna strana je obavezna da obavjesti drugu ugovornu stranu u roku od 7 (sedam) dana od nastanka više sile.

Član 8.

Potpisnici ovog ugovora isti potpisuju i bez ikakvih ograničenja će ga provesti , a sve u cilju realizacije projekta iz člana 1. Ovog ugovora. Sve eventualne sporove, strane će rješavati sporazumno, u duhu dobrih poslovnih odnosa i uzajamnog povjerenja. U nemogućnosti takvog načina rješavanja , spor će rješavati stvarno nadležan sud u Sarajevu.

Član 9.

Ovaj ugovor stupa na snagu danom njegovog potpisivanja i sačinjen je u 4 (četiri) istovjetna primjerka od kojih 2 (dva) primjerka zadržava Prva Gimnazija , a 2 (dva) primjerka Pozorište.

NARODNO POZORIŠTE SARAJEVO

DIREKTORICA

Marijela Hasimbegović

Predsjednica upravnog odbora

Dr. Sanija Vlaisavljević

Broj: 05-5893/17

Sarajevo 18. 12. 2017.godina

ZA PRVU GIMNAZIJU SARAJEVO

DIREKTORICA

Lajla Tuzlak

Broj: 02.9-5897/17

Sarajevo 19. 12. 2017.godine